



Republika e Kosovës
Republika Kosova- Kosova Cumhuriyeti



Komuna e Prizrenit
Opština Prizren – Prizren Belediyesi

KUVENDI I KOMUNËS SË PRIZRENIT

Komiteti për Politikë dhe Financa

Nr. 001/060 – 158403

Më: 17 dhjetor 2024

Nga mbledhja e Komitetit për Politikë dhe Financa, e mbajtur më 17 dhjetor 2024, në Sallën e mbledhjeve të KPF-së, në “Shtëpinë e Bardhë”, me fillim në ora 10:13 minuta.

Pjesëmarrës nga KPF-ja, ishin: Antigona Bytyqi, Kryesuese e KPF-së, Karanfil Haxhillari, Dafina Alishani, Adem Shabanaj, Naxhije Memaj, Florent Ukaj, Egzona Hoxhaj dhe Bajram Kastrati, të gjithë anëtarë të Komitetit për Politikë dhe Financa.

Mungoi: Levent Buş.

Pjesëmarrës tjerë ishin: Kujtim Gashi, Nënkyetar i Komunës, Ramize Sinanaj Shala nga DES, Shpresa Osmanollaj nga DUPH, Gursel Skenderi nga Sektori i Pronës, Kumrije Bytyqi nga dhe Bashkim Rakaj nga DPMS, përfaqësuesi i OSBE si dhe OJQ-të e Mediat.

Antigona Bytyqi: Të nderuar anëtarë të Komitetit për Politikë dhe Financa, shumë i nderuar nënkryetar, të nderuar zyrtarë, përfaqësues të OSBE-së, media, përshëndetje për të gjithë. Ashtu siç e keni marrë edhe materialin me kohë, për sot kemi thirrë mbledhjen e radhës të Komitetit për Politikë dhe Financa. Prezent jemi tetë anëtarë të këtij komiteti. Atëherë mund të fillojmë me pikat e kësaj mbledhje dhe këtë mbledhje e kemi thirrur me këtë rend dite:

1. Shqyrtimi dhe miratimi i procesverbaleve të datës 29 tetor dhe 12 nëntor 2024;
2. Shqyrtimi dhe miratimi i Rendit të Ditës;
3. Shqyrtimi dhe miratimi i propozim-vendimit për miratimin paraprak të listës së përgjithshme dhe të veçantë të pronave të paluajtshme të komunës që planifikohen për dhënie në shfrytëzim gjatë vitit 2025;
4. Shqyrtimi dhe miratimi i propozim-vendimit për dhënien në shfrytëzim të objektit pronë komonale për raste të veçanta;
5. Shqyrtimi dhe miratimi i propozim-vendimit për formimin e grupit punues për hartimin e Planit të punës së Kuvendit të Komunës së Prizrenit, për vitin 2025.
6. Shqyrtimi dhe miratimi i propozim-vendimit për miratimin e raportit të Komisionit Komunal për vlerësimin e dëmeve nga fatkeqësitë natyrore dhe fatkeqësitë tjera;
7. Shqyrtimi dhe miratimi i propozim-vendimit për shpalljen e interesit të përgjithshëm publik;
8. Shqyrtimi dhe miratimi i Planit Lokal të Veprimit për Mbrojtje nga Dhuna në Familje, Dhuna ndaj Grave dhe Dhuna në Baza Gjimore 2024-2026;
9. Raporti i punës së Kryetarit të Komunës për vitin 2024.

Pika e parë:

Shqyrtimi dhe miratimi i procesverbaleve të datës 29 tetor dhe 12 nëntor 2024;

Antigona Bytyqi: A ka dikush diçka me shtuar rreth procesverbaleve? Në qoftëse jo, po i hedhim në votim. Prezent jemi tetë anëtarë, kush është për që të miratohen procesverbalet? Unanimisht ju falenderoj të gjithëve. Kalojmë te shqyrtimi dhe miratimi i rendit të ditës.

Pika e dytë:

Shqyrtimi dhe miratimi i rendit të ditës

Antigona Bytyqi: A ka dikush diçka rreth rendit të ditës? Po zonja Shpresa urdhëro.

Shpresa Osmanollaj (DUPH): Kështu, na e kemi pas vendimin e kaluar për miratimin e zonës industriale parku i biznesit, mirëpo ministria e mjedisit e ka kthyer në rishqyrtim. Ju e kemi pasë kryesuese që është dashur për një afat tre ditor me e përcjellë dokumentacionin, në atë periudhë unë jam kanë pushim mjekësor edhe s'ka mund drejtori me kompletu. Kanë qenë veb faqe, listat e pjesëmarrësve i kam pas unë kërkesat, raportin të gjitha i kam pas unë. Çka kam mundur me i ndihmu i kam ndihmu, po çka jo s'kam mund me e kompletu për me e çu në ministri dhe mbas një jave e kanë kthyer në rishqyrtim vetëm për procedurën e shqyrtimit publik. Unë e kam materialin këtu të kompletuar qysh e kam bërë për me çuar ministri, po veç afati pat kaluar. Kështu që na duhet me e kthyer në asamble për rishqyrtim. Se vendimi i dytë e keni marrë edhe ju Blerim, është dashur me hy në rishqyrtim, apo sipas vendimit, sipas shkresës së ministrisë edhe ato brenda 30 dite shkruajke. Kështu që vetëm për atë procedurë që unë e kam të kompletuar, e kam njëkur në bazë të udhëzimit administrativ që kërkojshin ata nenit 12. Por veç për me e kompletuar me e çu në Ministrinë e Mjedisit dhe Planifikimit.

Antigona Bytyqi: Faleminderit. Dikush tjetër? Në qoftëse nuk keni atëherë rreth rendit të ditës, tu bë një propozim i ri, pasi që ju njoftoi zonja Shpresa, duhet për shkak të atij raporti.

Shpresa Osmanollaj (DUPH): Po vetëm për shkak të raportit.

Antigona Bytyqi: Për shkak të raportit duhet me e kthyer edhe njëherë në rishqyrtim. Po e hedhi në votim propozimin e zonjës Shpresa. Kush është për, që meqë ka afat ligjor 30 ditë? Unanimisht, ju faleminderit shumë. Atëherë po e hedhi rendin e ditës bashkë me propozimin e ri në votim. Prezent jemi tetë anëtar, kush është për që miratohet komplet rendi i ditës? Unanimisht, ju falenderoj përsëri të gjithëve. Kalojmë te pika e tretë.

Pika e tretë:

Shqyrtimi dhe miratimi i propozim-vendimit për miratimin paraprak të listës së përgjithshme dhe të veçantë të pronave të paluajtshme të komnës që planifikohen për dhënien në shfrytëzim gjatë vitit 2025.

Antigona Bytyqi: Zotëri Gursel, fjala për ju.

Gursel Skenderi (Sektori i Pronës): Faleminderit Kryesuese. Siç e dini është viti i shtatë me radhë, secila komunë e ka obligim ligjor që të votohet lista e përgjithshme dhe e veçantë e komunës. Lista është e njëjtë prej viteve paraprake me disa ndryshime dhe modifikime, domethënë janë shtuar edhe disa prona, kjo për arsye se e dini ju, janë shtuar pronat për shkak se kemi emërtime të ndryshme të pronave edhe ato prona çka i kemi identifikuar, domethënë e kemi rifleskuar listën. Domethënë e njëjtë procedura është që shtatë vite, vetëm duhet të votohet, afati është deri në 31 dhjetor.

Antigona Bytyqi: Faleminderit zotëri Gursel. A e dëshironi fjalën dikush? Po urdhëro Karanfil.

Karanfil Haxhillari: Kisha pas dëshirë me e ditë cilat janë ato prona apo lokale që i janë shtuar komunës, të cilat kanë qenë më herët në emrat të tjerë një si pyetje e parë? Besoj që keni njohuri. Dhe si pyetje e dytë, këto lokale të cilat prapë do të shpallen, normal është proces ligjor, por a janë këto lokale tashmë në funksion dhe i kanë pronarë të ndryshëm me qira dhe të cilët janë pagues të rregullt të qerasë dhe a do të ketë ndonjë, në qoftë se dikush vjet e ka marrë të njejtin lokal, ka investuar në atë lokal dhe punon në atë lokal. A do të ketë lehtësira në rimarrjen e atij lokali? apo ndryshohet ai vjen tjetër kush? Kjo është me shumë rëndësi, besoj më kuptove.

Gursel Skenderi (Sektori i Pronës): Po, faleminderit Karanfil. Janë shtuar disa prona, zakonisht janë shtuar pronat të zona ekonomike edhe në Gornje Lubinjë çka kanë pasur drejtorat, drejtoritë përkatëse. Kurse sa i përket listës, domethënë të lokaleve, na Karanfil për çdo vit edhe pse kanë këta afat deri në 2027-tën, na gjithmonë e propozojmë listën. Pse? domethënë e kemi këtë praktikë për arsye se ndoshta ndonjë shfrytëzues mundem me dhënë dorëheqje, domethënë me shkëput kontratën. Atëherë nëse e shkëput kontratën me vetdëshirë ose mos me ba pagesë, atëherë në një vit e gjysmë atë lokal s'mundemi ne me e ritenderuar për arsye se nuk është në listë. Për atë qëllim na që shtatë vite, pavarësisht se kanë afat, kanë kontratë deri në 2027, ne prapë e shpallim listën nëse domethënë na ngjanë kjo. Kurse sa i përket lehtësirave, domethënë Karanfil është këta kontratat nëse i përmban kontratas është deri në fund të 2027-tës, por dhe atëherë kur të bëhet ligji nuk ja u njeh. Edhe këtë tenderin e fundit ankandin e fundit edhe ankandin e më herët ne kemi pasur, ka pas raste çka kanë qenë pagues të rregullt 20 vjet, mirëpo ai ofertuesi tjetër i ka dhanë kushtet ma ndryshe dhe jemi kanë të detyruar me e larguar, me e marrë. Si është ajo fjala që kjo prona publike është e gjithkujt dhe e askujt, domethënë sa mundesh ti me shfrytëzu edhe unë. Ligji nuk ja parasheh pavarësisht 50 vite me shfrytëzu dhe me qenë edhe pagues i rregullt nuk i parasheh lehtësirat, kjo është Karanfil.

Karanfil Haxhillari: Por në kushte të barabarta i jepet përparësi.

Gursel Skenderi (Sektori i Pronës): Në kushte të barabarta po, në qoftë se në kushte të barabarta atëherë ai veç shfrytëzuesi aktual adi e ka marrë.

Antigona Bytyqi: Fjalën e ka Bajrami, mandej Dafina.

Bajram Kastrati: Faleminderit Kryesuese, përshëndetje për të gjithë. Unë desha me u ndalë për dy prona konkrete. Gursel, pronat parkingjet a janë të përfshime këtu dhe qysh kanë me u trajtu? Edhe është një pronë përballë varrezave të dëshmorëve në Landovicë që është bërë kërkesë vazhdimisht për atë pronë për me u shfrytëzuar, a është e përfshim edhe ajo pronë?

Gursel Skenderi (Sektori i Pronës): Sa i përket parkingjeve listën na ka dhënë Drejtoria e Shërbimeve Publike edhe domethënë atë listë çfar na ka dhënë Drejtoria e Shërbimeve ne e kemi futur, cilat kanë qenë pronat domethënë nuk ka pas problem. Ato çka nuk kanë qenë në listë ne e kemi rifteskuar, kurse për atë.

Bajram Kastrati: A janë të përfshime?

Gursel Skenderi (Sektori i Pronës): Po po.

Bajram Kastrati: Të gjitha parkingjet apo...

Gursel Skenderi (Sektori i Pronës): Listën e Shërbimeve Publike qysh e ka pasë, se projekti i Shërbimeve Publike.

Bajram Kastrati: Mir por tash ju e dini a janë, se s'janë shumë prona.

Gursel Skenderi (Sektori i Pronës): Po listën çka na ka dhënë shërbimet.

Bajram Kastrati: A ka ndonjë që s'është e përfshine ndonjë pronë?

Gursel Skenderi (Sektori i Pronës): Listën Bajram, kuptohet listën shërbimet publike çka e ka domethënë për parkingje, ne domethënë i kemi futur krejt ato.

Bajram Kastrati: Unë po të kuptoj Gursel, po tash janë disa prona që s'janë numër i madh i tyre që janë për parkingje, shtatë, dhjetë sa munden me qenë ato, a janë të përfshime ju duhet me e ditë a janë të përfshime të gjitha apo s'janë? Unë po të kuptoj që atë listë që ta ka dhënë ai a i keni verifikuar ju a janë?

Gursel Skenderi (Sektori i Pronës): Po i kemi verifikuar.

Bajram Kastrati: A janë të përfshime krejt?

Gursel Skenderi (Sektori i Pronës): Po janë të përfshime po.

Bajram Kastrati: Të gjitha?

Gursel Skenderi (Sektori i Pronës): Po lista çka na e ka dhënë Drejtoria e Shërbimeve Publike janë të përfshime.

Adem Shabanaj: Po ti duhesh me ditë si sektor i pronës a janë të gjitha, shumë shkurt po të thotë.

Gursel Skenderi (Sektori i Pronës): Të gjitha janë.

Adem Shabanaj: Po mos e devijo përgjigjen.

Gursel Skenderi (Sektori i Pronës): Të gjitha janë o Adem.

Adem Shabanaj: A është prona në fjalë për të cilën po folë Bajram Kastrati?

Gursel Skenderi (Sektori i Pronës): Cila pronë?

Bajram Kastrati: Jo, kjo ke e përgjithshme.

Gursel Skenderi (Sektori i Pronës): Edhe në qoftëse nuk është o Adem mundet me propozue secili prej juve.

Bajram Kastrati: Po na sun hyjmë tash secilën me i verifikue.

Egzona Hoxhaj: Edhe është shumë problem me i verifiku.

Gursel Skenderi (Sektori i Pronës): Egzona për çdo vit, për çdo vit që shtatë vite për çdo vit pas votimit, pas miratimit dhe konfirmimit, ajo listë e cila është në ueb-faqe edhe çdokush mundet me verifikue.

Bajram Kastrati: E prona në Landovicë që bana pyetje? përballë varrezave të dëshmorëve.

Gursel Skenderi (Sektori i Pronës): Nëse është për komunale është.

Bajram Kastrati: A është e përfshirme nëse është?

Adem Shabanaj: Qeta po i tham edhe unë Bajram.

Antigona Bytyqi: Dafina fjalën.

Bajram Kastrati: Na s'mundemi me i verifiku krejt.

Dafina Alishani: Gursel.

Gursel Skenderi (Sektori i Pronës): Urdhno.

Dafina Alishani: Nën një, e vlerësoj që kjo listë nuk është hiç transparente, nuk di unë si asambleiste qysh muj me verifiku me numër katastral, ishte dashur me adresa, me numra. Po na sjellni diçka me votu, ne nuk mundemi me votu qorras e para. E dyta njeri po të vet konkret për pronë, ti je përfaqësuesi i Zyrës së Pronës e thua nuk di! Kush e din? nëse ka ndonjë zyrtar tjetër që i din pronat komunale, le të vjen le të na prezantoj. Ne nuk mundemi me votu një listë për të cilën nuk jemi të informuar ose nuk mundemi me votu një listë prej një zyrtari që nuk po din me na tregu a është pronë komunale a jo! Cila është pronë komunale, ajo është në listë, konkret e pat,

Gursel Skenderi (Sektori i Pronës): Po konkret duhet me e tregu listën. Dafina aty janë 134 faqe, 134 faqe, secila faqe ka domethënë 30-40 prona, kush mundet me i mbajtë në mend, të folim realisht qetash. Bajrami u kanë çdo të dytën ditë, çdo të dytën ditë a ke qenë? A ke mundur me thënë a është qekjo? Je i interesuar për tjerë persona e sje interesue për këtë.

Bajram Kastrati: jo bash të dytën ditë, por sido që të jetë, tash e keni sjellë ju një listë këtu.

Gursel Skenderi (Sektori i Pronës): Unë e thashë në fillim që i i shtati vit.

Bajram Kastrati: Ani që Bajrami s'po të bën pyetje, po të bën pyetje një qytetar. Këto dy prona a janë.

Gursel Skenderi (Sektori i Pronës): Kur ke qenë ke mund që kjo numri i pronës a është i përfshim.

Bajram Kastrati: Mirë de, mos ta personalizojmë, leje Bajramin ti, na po pyesim për prona.

Antigona Bytyqi: Bajram, në qoftëse ka përgjigje, në qoftë se jo mundet edhe në kuvend për të shtuar pyetjen, merr informata edhe.

Gursel Skenderi (Sektori i Pronës): Numrat e ngastrave dhe mundemi me shiku nëse është.

Dafina Alishani: A bënë me adresa me na pru?

Gursel Skenderi (Sektori i Pronës): Dafinë, kjo është, kjo listë nuk e bëjmë ne, Agjensioni Kadastral i Kosovës na ka sjerrë.

Dafina Alishani: Unë po dua me ditë çka po votoj.

Gursel Skenderi (Sektori i Pronës): Si ke votu që shtatë vite. Jo s'mundem.

Dafina Alishani: Nuk mundesh, në rregull. Atëherës as unë s' ta votoj.

Bajram Kastrati: A mundemi me i verifiku në asamble?

Gursel Skenderi (Sektori i Pronës): Mundesh qetash me e verifiku, veç listën me numrin e ngastrës ma jep.

Florent Ukaj: Numrin e ngastrës, edhe janë listat e pronave në faqe të komunës edhe i keni pronat. Normale që ky smundet me i mbajt ne mend sepse janë shumë, sa janë?

Gursel Skenderi (Sektori i Pronës): 134 faqe nga 30-40 prona.

Florent Ukaj: 134 faqe s'mundemi, ju mundeni me pyet edhe një në Gornje Lubinje e tjera, s'mundet me i mbajt ne mend krejt.

Bajram Kastrati: Lenti, pyetja ke e veçantë se për parkingje është diçka më e veçantë se pronat tjera.

Florent Ukaj: Po por ky tha që parkingjet janë, tash ky sun të kallzon saktë. Në Prizren janë 10.000 vende të parkingjeve, tash ky s'mundet me i mbajt në mend 10 mijë numra të ngastrave.

Bajram Kastrati: Jo bre s'janë 10 mijë.

Gursel Skenderi (Sektori i Pronës): Bajram, unë të tregova, parkingjet ku ka me qenë Drejtoria e Shërbimeve Publike...

Antigona Bytyqi: Veç ju kisha lutur folni me radhë.

Bajram Kastrati: Parkingjet publike Lent, s'jane 10 mijë, munden me kanë nja 10 a 15.

Florent Ukaj: Sa banesa i ke në Ortakoll? Secila banesë e ka parkingun e vetë edhe është me numër të ngastrës, edhe s'mundesh këtij mi thanë tash kallxom për një...

Bajram Kastrati: Jo bre, për qeto parkingje që janë të shfrytëzueshme, që mundem me u dhanë me u shfrytëzu edhe...

Florent Ukaj: Qato që i ka pru, pa dashur me ja ba avokatin por po me doket e palogjikshme kur është publike krejt lista e pronave në faqen, unë vetë e kam parë faqen publike të komunës krejt lista.

Gursel Skenderi (Sektori i Pronës): Prej 2019 është kjo Kryesuese.

Antigona Bytyqi: Zotëri Gursel edhe unë një diçka deshta. Dje po më duket më ka ardhur një listë, më keni thënë që me shumë pak ndryshime. A mundesh që me ja u sqaru edhe anëtarve të Komitetit. Listën që e kemi marrë dje me disa ndryshime të vogla që ato me na i konkretizu edhe listën me këto ndryshime sot do t'jua përcjellim me rekomandimet e KPF-së.

Dafina Alishani: Po veç unë nuk ju lypa 130 faqe të pronave, evidenca e lokaleve të cilat janë në listë ato me i paraqitë me adresë.

Gursel Skenderi (Sektori i Pronës): Ato janë.

Dafina Alishani: Nuk janë, janë me numër katastral, këto veç po dua me ditë. Tash po kthehem pse? A mundesh me më tregu a ka prona komunale të cilat kanë hy në tenderim me qera shumë të madhe edhe tash për shkak që është qiraja shumë e madhe ju nuk i keni bërë kontratë edhe vazhdon me shfrytëzu kontratën se nuk ka hesap me pagu 3 mijë euro. Edhe çka ka ndodhur me këtë lokal këtu, unë me dijeninë time kjo nuk është dhënë me ankand publik, qysh arritën me e hap? kush është shfrytëzuesi? Ju si sektor i pronës ish dashur me ditë edhe me na informuar neve. Nëse ka prona të cilat vazhdojnë me u shfrytëzu prej pronarëve e nuk kanë kontrata, atëherë duhet me u futë këtu sepse komuna nuk po merr të hyra prej këtyre pronave. A është qashtu? A ka prona?

Gursel Skenderi (Sektori i Pronës): Jo.

Dafina Alishani: Jo? Me ba me ta gjetë?

Gursel Skenderi (Sektori i Pronës): Unë e di ku po pretendoni ju, nuk është. A këtu është me tender me tender është e dhënme me kontratë, lokalin Maksutaj e ka me kontratë.

Dafina Alishani: E tjetra që është.

Gursel Skenderi (Sektori i Pronës): Gjashtë lokale qetu.

Dafina Alishani: Lokali që ka kandiduar me shumë qira të madhe e që nuk po paguan qira të madhe, a ka kontratë? E din shumë mire.

Gursel Skenderi (Sektori i Pronës): Lokal jo, po e di, lokal jo. Ajo është sipërfaqe, janë disa procedura të tjera nuk është. Ajo është përgjegjësia e kryetarit a qet a se qet.

Dafina Alishani: Qysh përgjegjësi e kryetarit?

Gursel Skenderi (Sektori i Pronës): Kryetarit çdo propozim që asi, domethënë lokal me karakter të....

Dafina Alishani: Nëse prona komunale shfrytëzohet pa kontratë është uzurpim.

Gursel Skenderi (Sektori i Pronës): Dafina lokal, domethënë lokal nuk ka, unë po jap përgjegjësi këtu para të gjithëve në qoftëse është. Të gjitha lokalet, për të gjitha lokalet pronë komunale, vetëm katër janë të ndërtesa Globalit pa u shfrytëzue, është te libraria Siprinti.

Dafina Alishani: Po, veç këto janë?

Gursel Skenderi (Sektori i Pronës): Po, lokale po.

Dafina Alishani: Të tjerët që janë fitu.

Gursel Skenderi (Sektori i Pronës): Nuk është ai lokal ku pretendojsh, nuk është ai.

Dafina Alishani: Janë dy lokale që kanë çmime shumë të larta edhe nuk ja keni bërë kontratën.

Gursel Skenderi (Sektori i Pronës): Jo kanë, jo nuk është e vërtetë.

Dafina Alishani: Këqyre Gursel, del e vërtetë, e kam të faktume.

Gursel Skenderi (Sektori i Pronës): Dafina mos më kursej mundesh...

Dafina Alishani: As unë nuk të kursej hiç me të qu në kallxim.

Gursel Skenderi (Sektori i Pronës): Po hiç hiç mos mos më kursej.

Dafina Alishani: Atëher i bën gati dokumentet.

Gursel Skenderi (Sektori i Pronës): U ba, ose mundesh me ardhë me kërkesë për çasje në dokumente.

Dafina Alishani: Jo nuk vij se kur po vij nëpër zyre po ma hallakatni krejt, a ban me imella.

Gursel Skenderi (Sektori i Pronës): Jo jo, kërkesë, të kemi prit shumë herë.

Antigona Bytyqi: Ju kisha lutur flisni me radhë për shkak të procesverbalit.

Gursel Skenderi (Sektori i Pronës): Mundesh edhe me e-mail me bërë kërkesën.

Dafina Alishani: Të lutem në seancë nëse mundesh këto lokale që janë, lokalet s'po flas për Gornje lubinje ato prona, lokalet me adresa. Njerëzit duhet me e ditë për çka janë tu votu.

Gursel Skenderi (Sektori i Pronës): Lokalet mundemi adresat.

Dafina Alishani: Është e shkurtë lista.

Gursel Skenderi (Sektori i Pronës): Këto Dafina mundemi edhe është si në kërkesë lokalet, mirëpo prona ku janë, aty nuk mundem të gjitha prona me adresë, a a lokalet mundemi me adresë.

Bajram Kastrati: Veç edhe një pyetje. Nëse eventualisht i evidentojmë që nuk janë përfshime këto prona, a kemi të drejtë me propozu në séance?

Gursel Skenderi (Sektori i Pronës): Po po mundeni.

Bajram Kastrati: Faleminderit.

Antigona Bytyqi: Atëherë dikush tjetër?

Karanfil Haxhillari: Domethënë përveç këtyre lokaleve që e kemi listen, janë edhe prona të tjera, hapësira të tjera që kanë me u dhënë shfrytëzim.

Gursel Skenderi (Sektori i Pronës): Karanfil, duhet me qenë me votuar për çdo vit deri në 31 dhjetor, se nëse nëse jipen në shfrytëzim, nëse s'janë në këtë listë, s'mundet me u zhvilluar procedura, domethënë hap i parë duhet me qenë në listë. Ju e dini, nuk është hera e parë kjo, është i shtati vit me radhe, nuk e di çka po bëhet pyetje!

Antigona Bytyqi: Nëqoftë se nuk kemi diçka tjetër, po e hedhim votim pikën e tretë që t'i rekomandohet mbledhjes së ardhshme. Preznet jemi 8 anëtarë, kush është për? 5 jemi për, 0 kundër dhe tre abstenim. Atëherë edhe kjo pike i rekomandohet mbledhjes së ardhshme, ju faleminderit. Kalojmë te pika e katërt.

Pika e katërt:

Shqyrtimi dhe miratimi i propozim-vendimit për dhënien e shfrytëzim të objektit pronë komunale për raste të veçanta,

Antigona Bytyqi: Përsëri zotëri Gurseli fjalën.

Gursel Skenderi (Sektori i Pronës): Po faleminderit Kryesuese. Është fjala për objektin e zyrës së gjendjes civile në fshatin Reçan, pikërisht për katin e parë të këtij objektit, ka kërkuar me e marrë për 10 vite me qera Policia e Kosovës, ashku e ka paraparë ajo të arsyeshme derisa të ndërtohet një object. Domethënë kryetari propozon që me ja dhënë për 10 vite, kurse mënyra është domethënë pa kompensim, domethënë kati i parë i zyrës së gjendjes civile në fshatin Reçan Policisë Kosovës me janë. Ky është propozimi.

Antigona Bytyqi: Ju faleminderit. A keni ndonjë pyetje?

Karanfil Haxhillari: A shfrytëzohet tash për momentin qaj kati i parë?

Antigona Bytyqi: Shfrytëzohet nga zyrtari i gjendjes civile, por tash aty e kanë paraparë çka zyrtari i gjendjes civile me dalë në përdhësë kurse katin e parë me i'a liruar policies. Përkohësisht 10 vite, ndoshta nëse e ndërtojnë ndonjë stacion policor atëherë dhe munden meu shkëput përpara.

Antigona Bytyqi: A ka dikush tjetër diçka? Nëqoftë se jo, po e hedhim në votim. 8 anëtarë jemi. Kush është për që ti rekomandohet të mbledhjes? Unanimisht, ju falenderoj të gjithëve. Kalojmë te pika e pestë.

Pika e pestë

Shqyrtimi dhe miratimi i propozim-vendimit për formimin e grupit punues për hartimin e planit të punës së Kuvendit të Komunës së Prizrenit për vitin 2025.

Antigona Bytyqi: Siç e dini në mbledhje do ti propozojmë emrat nga një anëtarë të secilit subjekt politik, në mënyrë që të fillojmë procedurat për hartimin e planit të punës së kuvendit. A keni diçka me shtuar?

Egzona Hoxhaj: Jo.

Bajram Kastrati: Jo.

Antigona Bytyqi: Atëherë propozimet i japim në kuvend. Kush është për që të miratohet kjo pike? Unanimisht, ju falenderoj të gjithëve. Kalojmë te pika e gjashtë.

Pika e gjashtë:

Shqyrtimi dhe miratimi i propozim-vendimit për miratimin e raportit të komisionit komunal për vlerësimin e dëmeve nga fatkeqësitë natyrore dhe fatkeqësi të tjera.

Antigona Bytyqi: Po drejtoreshën e kemi këtu.

Ramize Sinanaj Shala: Faleminderit Kryesuese, përshëndetje për të gjithë. Unë sot në pika të shkurta do të raportoj për këtë, për dëmet që na janë shkaktuar nga fatkeqësitë natyrore dhe fatkeqësitë tjera. Fillimisht, dua me ju treguar se ky komision është formuar që nga viti 2022, ka qenë propozimi i AME-së, i cili është në kuadër të MPB-së, ku ata na kanë treguar edhe kualifikimet shkollore të cilat duhet me pas ky komision, edhe ky komision ka mandat katër vjeçar. Në këtë raport janë të përfshime vetëm dëmet e bujqësisë, ku gjithsej dëmet e shkaktuara janë pa u raportuar dëmet e fundit që janë bërë, domethënë nuk hyjnë brenda këtij muaji që ka pas disa serra që janë dëmtuar nuk hyjnë në këtë vlerësim, domethënë dëmi i përgjithshëm është 632.229,79 euro. Pasi që ky raport të miratohet, sigurisht që ne do ta dërgojmë në MAPL edhe pastaj ata vendosim së bashku me AME-në se çfarë do të bëjmë. Fatkeqësisht në dëmet që janë shkaktuar në ekonomi nuk është bërë vlerësimi, për arsye se mungon një çmimore, sepse dëmet që janë shkaktuar nuk ka në treg më ato gjëra të cilat janë dëmtuar, edhe për këtë arsye jemi në bashkëbisedim edhe me zyrtarët e AME-së se si me zgjidh çështjen e dëmeve që janë në ekonomi. Ndërsa këtu i kemi vetëm dëmet e bujqësisë.

Antigona Bytyqi: Faleminderit drejtoreshë. Fjalën e ka kërkuar Florenti.

Florent Ukaj: Faleminderit drejtoreshë. Unë pata disa pyetje për këtë vlerësim të dëmeve. E kuptuam që në 2022 koka formuar ky komision, e dimë që kemi pas dëme edhe vitet e kalume, është bërë një vlerësim i dëmeve, a mundeni me na shpjegu ku ka mbet ajo procedure? edhe pse nuk po kompenzohen bujqit ose kushdo që ka pësuar dëme. Domethënë jemi në vitin 2024 edhe po hyjmë në vitin 2025, me dijeninë time hala asnjë nuk është kompenzuar! Unë me sa kam informatë qyteteve të tjera ju ka kompenzuar disa. Ku është arsyeja dhe pse nuk po kompenzohen?

Ramize Sinanaj Shala: Po është e vërtetë që edhe dëmet që janë shkaktuar në vitin 2023 ende nuk janë kompensuar qytetarëve, nuk ju kanë kompenzuar, sa kam dënuar unë që kam biseduar me zyrtarët e AME-së, janë pranuar si dëme, ka shkuar deri në kuvend, janë pranuar mirëpo nuk është bërë pagesa ende! Domethënë është miratuar, si raport është miratuar, mirëpo ende nuk ju kanë kompensuar qytetarëve, për vitin 2023 po flas.

Antigona Bytyqi: Dikush tjetër a kemi diçka? Po Dafina urdhëro.

Dafina Alishani: Bash rastësi ke që javën e kaluar, mua më ra me u taku me ministrin Pecin me një tubim në atë Atmaxhë, të njëjtin shqetësim e patën edhe ministri tha me i siguruar dokumentet që kanë shkuar që është bërë vlerësimi. Tash s'është mire, s'po e di te kush është përgjegjësia se ministria po thotë te ne nuk ka ardhur, komuna thotë ne i kemi dërguar. Ju kisha lutur nëse keni dokumentet që mundemi me i përcjellë, tash sipas rregullit si është institucioni, domethënë ju si komunë.

Ramize Sinanaj Shala: Ja dërgojmë AME-së, ME-së, AME-ja i dërgon atje.

Dafina Alishani: A mundemi me pas ndonjë dokument lidhur me këtë që është finalizuar prej palës të komunës?

Ramize Sinanaj Shala: Unë e kërkoj me shkrim prej AME-së që me na dhënë, domethënë me e-mail me na dërgu që ku ka mbetur lenda e vitit 2023 që me pas si dokument. Këto që unë i thashë ka qenë takim zyrtar por nuk kam, nuk është i dokumentuar a po kupton. Unë kam pyetur gjatë takimeve që i kemi pas me komunat edhe me zyrtarët e AME-së edhe kam pyetur se ku ka mbetur lenda e Prizrenit, më keni thënë se është pranuar, është miratuar dhe pse nuk janë bërë vlerësimet? Ata më kanë thënë se i kemi dërguar, gjithçka në rregull dhe pritet me u bërë ky kompenzim, domethënë ky ka qenë takim zyrtar, por nuk kam si me ta dokumentu. Në të kundërtën unë e bëj një e-mail edhe i them çka ka ndodhur me pse nuk janë kompenzuar të vitit 2023? edhe le të na japin me shkrim që me pas një fakt për me ja u dorëzuar juve. informata është kjo Dafina.

Florent Ukaj: Që ka raport, atë ne e kemi votuar raportin ka me shifra me krejt, ajo s'don diskutim që ka raport dhe që e kemi dërguar.

Bajram Kastrati: Ministri s'ka informata.

Ramize Sinanaj Shala: Është votuar Dafina, është votu.

Dafina Alishani: E di që është votuar, unë nuk e di çka mbetet.

Ramize Sinanaj Shala: Po ne e kemi për obligim tani me dërgu në AME e ata tani si dy institucione ma të afërta.

Dafina Alishani: Nëse mundeni me na siguru këtë atëherë edhe ne do të mundohemi në nivel qëndror nëse është, po nëse ka mbetur aty besoj që ish dashtë mu kry.

Ramize Sinanaj Shala: Unë kam disa informacione që disa komuna është e vërtetë që ju kanë pagu, mirëpo janë ato komunat për të cilat kanë pas fatkeqësi shumë më të mëdhaja se ne, jo si si si çmim, si monedhë, mirëpo për shembull Dragashi që pat vërshime, janë disa komuna më të specifikuara, domethënë arsyeja pse ju ka pagu është qajo.

Florent Ukaj: Nuk po besoj që është ajo arsyeja, për shembull Rahoveci, unë po ta spjegoj Krusha e Vogël, Krusha e Madhe, të njëjta dëme janë bë, njëjtë vlerësime janë bë, e dini kufini i Rahovecit me Krusha e Vogël, Krusha e Madhe qysh është kufini, Krushës së Madhe ju ka paguar, Krushës së Vogël nuk ju ka paguar.

Ramize Sinanaj Shala: E bëjnë të njëjtin raport.

Florent Ukaj: joi si komunë po du me thënë që Komuna e Rahovecit është kompenzu e Komuna e Prizrenit është e kompenzume.

Bajram Kastrati: Veç edhe një pyetje. Këto damat a trajtohen direkt prej njërit ministri? për shembull dëmet bujqësore a trajtohen prej Ministrisë së Bujqësisë apo kush i trajton? Puna që me dit kush ka me bë këtë kompenzimin e e dëmeve?

Ramize Sinanaj Shala: Po dëmet e bujqësisë sigurisht që duhet të Ministria e Bujqësisë, kurse këto të tjerat, këto të tjera dame ne që i dërgojmë në AME, ata i dërgojnë te ministrinë përkatëse. Se nuk e di tash në kuadër të kujt, e kanë një farë fondi për këto fatkeqësitë natyrore dhe që munden.

Bajram Kastrati: I bie që neve edhe i 2022-tës nuk është bë kompenzimi demit?

Ramize Sinanaj Shala: Po gjithmonë shkon një vit mbrapa.

Bajram Kastrati: Po tash edhe 2023 shkoj.

Ramize Sinanaj Shala: Po de nuk janë bë, domethënë ai është miratuar, është miratu, por nuk janë kompenzuar, e ky raport ende nuk ka shkuar për me u miratu.

Antigona Bytyqi: A keni ndikush tjetër diçka? Në qoftë se jo po e hedhi në votim pikën e gjashtë.

Bajram Kastrati: Veç edhe një diçka Kryesuese. Po urojmë që me marrë një përgjigje konkrete. Për masnesër a kemi mundësi me pas një përgjigje në séance?

Ramize Sinanaj Shala: Unë sot mundem me i shkruar AME-së edhe ata nëse ma kthejnë përgjigjen nuk është hiç kurfarë problemi.

Dafina Alishani: çka është kjo AME?

Ramize Sinanaj Shala: është Agjensioni për Menaxhimin Emergjent, në raste të fatkeqësive, domethënë njëherë veprojnë komunat, kur eskalon situata më e madhe, ata e marrin përgjegjësinë në bashkëpunim me Ministrinë e Punëve të Brendshme.

Dafina Alishani: A është nën Ministries e Bujqësisë a?

Ramize Sinanaj Shala: Jo jo, është në kuadër të Ministrisë së Punëve të Brendshme.

Bajram Kastrati: Drejtoreshë, me deshtë me marrë një përgjigje më konkrete për masnesër. Me deshtë drejtoresha dhe me marrë kerrin edhe me shku në ministri atje me marrë përgjigjen direkt mos me pritë e-mailin sepse e-mail ka mundësi s'të kthehet nja një muaj ditë. A ekziston kjo mundësi, që ne me ditë tamam ku është problem? Se ne mundemi me ba pyetje dhe ti me na dhënë një përgjigje, s'ma kanë kthyer përgjigjen edhe ok. Por me marr drejtoresha kerrin e komunës edhe me shku në ministri me marrë një përgjigje deri masnesër?

Ramize Sinanaj Shala: Unë më përpara nuk ajo komunikimi ndërlihdës është komunë AME a po kupton? Unë krejt çka mundem me bisedu është veç me zyrtarët e AME-së.

Bajram Kastrati: Po mire de, tek ata zyrtarët me shku direct.

Ramize Sinanaj Shala: Unë muj me siguruar një përgjigje, besoj që mundem.

Bajram Kastrati: Neve po na vazhdohen këto përgjigjet jo veç te ju, po na vazhdohen, i kemi shkruar, s'është, Dafina po thotë se kanë ata informatën. Ne kemi një rast më herët me një pronë të Arbanës e kanë, s'e kanë! E di për me u kanë pak më konkret, ju i keni shpenzimet e hjekne, këtë punë e bëni, vetëm që me i marrë përgjigjet pak më konkrete.

Ramize Sinanaj Shala: Dëgjo, në qoftëse unë i marr përgjigjet konkrete, unë i kam marrë prej takimit zyrtar përgjigjet konkrete a po kupton? se dhe ajo është diçka zyrtare se ka qenë në takim zyrtar. Qëllimi është me pas një e-mail si dokument që mua ma dokumenton. Unë krejt çka mund me bë është me kontakti me zyrtarët e AME-së edhe me me kërku që po kërkojnë asambleistat, a po kupton? edhe ju lutem përgjigjen ma bëni me shkrim.

Antigona Bytyqi: Drejtoreshë që mundesh me siguru informacionet të mirëpresim në kuvend. Po e hedhi në votim pikën e gjashtë, prezent jemi të anëtarë. Kush është për që t'i rekomandohet mbledhjes? Unanimisht ju faleminderit shumë. Kalojmë në pika tjetër.

Pika e shtatë;

Shqyrtimi dhe miratimi i propozim-vendimit për shpalljen e interesit të përgjithshëm publik

Antigona Bytyqi: Zotëri Gursel përsëri.

Gursel Skenderi (Sektori i Pronës): Faleminderit Kryesuese. Në mungesë të drejtorit Çela unë po e prezantoj. Domethënë në bazë të propozimit është kërkesa, vetëm se propozimi sipas drejtorit domethënë ku është Agjensioni Kosovar i Privatizimit që tash duhet me qenë domethënë me u ndryshuar ky propozim Agjensioni Pyjor i Kosovës, domethënë Agjensioni Pyjor i Kosovës. Është kërkesa për me marrë pronën me numrin e parcelës 933 edhe 926 tek zona kadastrale Billushë e cila sipas komunës së Prizrenit do të shfrytëzohet si deponi e mbeturinave. Domethënë kjo me e marrë prej Agjencionit Pyjor të Kosovës në shfrytëzim. Vetëm këtu te propozimi ku është Agjencioni Kosovar i Privatizimit duhet të ndryshohet dhe ka me qenë Agjensioni Pyjor i Kosovës.

Bajram Kastrati: A kemi ndonjë rast tjetër që kemi marrë prej Agjensionit të pyjeve prone?

Gursel Skenderi (Sektori i Pronës): Jo unë sa di jo.

Bajram Kastrati: Asnjëherë a?

Gursel Skenderi (Sektori i Pronës): Veç një prej ministrisë Nashecin prej ministrisë domethënë para gjashtë-shtatë vite domethënë prej ministrisë Pushimorja e Nashecit, tjetër unë nuk e di.

Bajram Kastrati: Puna po më intereson se AKP-ja tash sa kërkesa ne jemi tu bë e sa intervenimet e sa...

Gursel Skenderi (Sektori i Pronës): Bajram, ndoshta në bazë informatave më fal se nuk jam shumë, qe tash domethënë unë të tregova këtu duhet me u ndryshua.

Bajram Kastrati: E qartë unë të kuptova, pyetjen që po dua me ta bë AKP-ja është tuj na malltretu me prona edhe tash po duhet intervenime të shumta. Unë i kam pas nja pesë-gjashtë takime me pozitë e opozitë me deputet, me ministra për me realizuar një pronë të AKP-së. Tash Agjensioni i Pyjeve po më intereson për këtë punë edhe të pyeta që a kemi pas ndonjë rast ndonjëherë me Agjencionin e Pyjeve? a është e njëjta procedurë edhe me këta si me këta të tjerët?

Gursel Skenderi (Sektori i Pronës): Jo jo, nuk kemi pas jo. Nuk është ajo procedurë se ne nuk po kërkojmë domethënë prej Agjensionit Kosovar me u bartë edhe me u bë prona, pronë komunale. Këtu po dojnë me e marrë veç në shfrytëzim edhe këtu dallon Bajram. Unë sa jam i informuar se unë thashë, më shumë informata drejtori i Çela. Këtu nuk është domethënë me u kthye prona e Agjensionit Pyjor në pronë komunale, po këtu veç me u marrë me...

Bajram Kastrati: I bjen me qera?

Gursel Skenderi (Sektori i Pronës): E qetash munden me qera, munden pa qera sikur ne qysh po ja japim policies.

Bajram Kastrati: E marrim një qartësim në seancë edhe prej drejtorit.

Gursel Skenderi (Sektori i Pronës): Po prej drejtorit më shumë, më mire.

Antigona Bytyqi: Karanfili fjalën.

Karanfil Haxhillari: unë i kam në dilemat e mia sepse me deponi për mbeturina është një agjension në kuadër të nivelit të Kosovës që merret me menaxhimin e deponive të mbeturime. Në këtë rast këtu kjo parcelë që po kërkohet dhe të bëhet të po shkruan qartë deponi e mbeturinave. A keni biseduar me ata vendasit atje sepse po, është në Billushë kjo, duhet paraprakisht një pajtim prej tyre a pajtohen që të jetë një deponi e mbeturinave aty? Nuk është logjike në qoftëse nuk e kemi një pajtim, një debat me ata qytetarë atje për me vendosur sidomos një deponi të mbeturinave. Por edhe tjetra kanë me na kthyer edhe këtaj sepse unë nuk e di që komunat kanë kompetenca për menaxhim të deponive të mbeturinave në nivel Kosove. Nuk e di që një komunë e ka një deponi diku që e menaxhon vetë derisa kjo është e përcaktuar me ligj dhe është ajo qysh e kemi rastin e deponisë në Landovicë aty. Nuk e di, unë nuk e kisha votuar me dëshirë në qoftëse nuk e kisha pas

një konfirmim prej banorëve të Billushës atje që ata pajtohen që ta kenë në të ardhmen një deponi të mbeturinave. Edhe e fundit, deponi mbeturinave, cilat, ta kemi edhe të qartë, çfarë mbeturina do të hidhjen atje? Nga cilat vende do të hidhjen atje? Pra, një mori pyetjesh është që pastaj është që me u kanë të qartë edhe qytetarët edhe....

Bajram Kastrati: Do të bëhet edhe një Landovicë e dytë!

Karanfil Haxhillari: Po.

Gursel Skenderi (Sektori i Pronës): Për më shumë informata, ju tregova nuk jam shumë i informuar, drejtori atëherë vetëm çka domethënë këto ndryshimet ai mi tregoj çka me qenë Agjensioni Pyjor i Kosovës edhe në shfrytëzim jo domethënë qysh tha Bajrami me e kaluar pronë komunale, por në shfrytëzim këto. Informatat më të hollësishme drejtori i jep në seance.

Bajram Kastrati: Atëherë në seancë.

Antigona Bytyqi: A Keni dikush tjetër diçka? Në qoftëse jo, po e hedhim votim, prezent jemi shtatë anëtarë të komitetit. Kush është për që t'i rekomandohet mbledhjes së ardhshme? Unanimisht, ju faleminderit. Kalojmë te pika e tetë,

Pika e tetë:

Shqyrtimi dhe miratimi i planit lokal të veprimit për mbrojtje nga dhuna në familje, dhuna ndaj grave dhe dhuna me baza gjinore 2024-2026.

Antigona Bytyqi: E dëgjojmë zonjën Kumrije.

Kumrije Bytyqi (DPMS-QPS): Faleminderit e nderuara Kryesuese, përshëndetje për të gjithë të pranishmit. Sot jemi para një plani shumë të rëndësishëm, siç është mbrojtja e dhunës në familje, plan i cili është përpunuar nga të gjitha institucionet komunale dhe institucionet e drejtësisë në kuadër të mekanizmit, i nënshkruar nga një marrëveshje e mirëkuptimit nga Kryetari i Komunës dhe të gjithë akterët e tjerë relevant. Ky plan pra i ka kaluar të gjitha procedurat profesionale. i cili është i përbërë prej objektivave specifike të cilat janë ndërthura me objektiva strategjike dhe të gjitha aktivitetet të cilat janë shpërndarë në bazë të objektivave të caktuara. Pra, qëllimi i këtij plani i cili për herë të parë është në Prizren, që e kemi një plan tre vjeçar, qëllimi është parandalimi i rasteve të dhunës në familje, fuqizimi i mekanizmit dhe grumbullimi i të gjitha të dhënave të rasteve të dhunës në familje, identifikimi i të gjitha rasteve. Në momentin kur ne i identifikojmë të gjitha rastet, atëherë institucioni e kemi shumë më të lehtë mos t'rajojmë raste të dhunës në familje, është një gjendje alarmante në gjithë Kosovën sa i përket në Prizren janë mbi 170 raste të dhunës. Andaj ne e kemi marrë me përshpejtim me këtë plan komunal i cili do të fuqizojë mekanizmin dhe do të avokojë dhe monitoroj gjithë procesin. Nëse jeni të interesuar për të gjitha objektivat, objektiven specifike dhe objektivat strategjike të ndara në aktivitete, atëherë jemi këtu për të elaboruar në mënyrë më të saktë.

Antigona Bytyqi: Nëse pajtoheni sot po e lëmë për Kuvend më gjerësisht. Kështu që faleminderit shumë, meqë edhe materialin e kemi pas qe disa ditë, vetëm nëse kanë anëtarët me shtuar diçka? Po urdhëro Karanfil.

Karanfil Haxhillari: Veç edhe një pyetje shumë të shkurtë se e dëgjova nëpër media për këtë çështje edhe lidhur me këtë strategji e kishin parapa edhe disa i thoshin unaza apo të monitorimit, a është përfshirë.

Kumrije Bytyqi (DPMS-QPS): Jo, në momentin kur është bërë planifikimi, është bërë më herët dhe ka kaluar në faza, ministria në ditën e fundit, 16 ditë aktivizim të dhunës i ka përgatitur ato unazat edhe ato janë direkt të gjykatës edhe të prokurorisë edhe të policisë, se policia ka me i monitoruar, ndërsa ne kemi me pas shumë më lehtë të gjithë për me identifikuar rastet e dhunës edhe të viktimave. Kështu që, nëse jeni të interesuar, ky plan ka kaluar, janë ftu të gjithë kuvendarët e kam prezantuar edhe në kuvend, edhe ju kam ftu në mekanizëm të gjithë kuvendarët, 16 ditë është folur për këtë plan.

Antigona Bytyqi: Po po, faleminderit. Prezent jemi shtatë anëtarë, po e hedhim votim në pikën e tetë që t'i rekomandohet mbledhjes. Unanimisht ju faleminderit të gjithëve.

Pika e nënë;

Raporti i punës së kryetarit për vitin 2024.

Antigona Bytyqi: Kryetarin nuk e kemi këtu. Besoj po pajtoheni me e rekomandu për kuvend.

Karanfil Haxhillari: Veç e kam një kërkesë që raportin me ardhë kryetari me raportu.

Antigona Bytyqi: Vjen, besoj që po vjen. Pikën e nëntë a jemi unanimisht? Po, ju faleminderit shumë. Edhe e patëm propozimin e fundit, pra për rishqyrtimin e vendimit sipas kërkesës së ministrisë. Po urdhëro Karanfil.

Karanfil Haxhillari: Në këtë rast i bjen që 6 muajshi I bjen i 17-ti, një. E dyta ë jashtëzakonshme neglizhencë, paramendo qeky kthim me të vërtetë po ndina, unë isha ndi shumë keq për shkak të neglizhencës është kthyer edhe njëherë në rishqyrtim.

Shpresa Osmanollaj (DUPH): Është kthyer në rishqyrtim që ku e kam vendimin e Ministrisë së Mjedisit thotë për raportin e shqyrtimit publik, nuk është hartuar sipas legjistacionit në fuqi.

Antigona Bytyqi: Zonja Shpresa, do t'i përcjellim këto, veç tu kisha lutur edhe raportin krejt të kompletum se duhet me ja u përcjellë edhe antarëve të kuvendit.

Shpresa Osmanollaj (DUPH): E ka edhe Haziz Krasniqi, është edhe në web-faqe të komunës, po thjesht...

Antigona Bytyqi: Si zyrë e kuvendit na përcjellni edhe ne e përcjellim tek kuvendarët.

Shpresa Osmanollaj (DUPH): Po, raporti ka qenë i kompletuar, procesverbali ka qenë i kompletuar.

Florent Ukaj: Po ja falim kësaj herë pasi e ka marrë përgjegjësinë për shkak të sëmundjes. po e ka.

Shpresa Osmanollaj (DUPH): unë jam kanë, bile intervenim kam pas, bile më thirrke drejtori bjere ti, unë s'isha në gjendje as me ardhë. Ka qenë web-faqe, s'ka mujt dosjen me kompletu, se kur hapet shqyrtimi publik, është një fletore aty që jipet, vijnë qytetarë të japin mendime, rekomandime e qesi sene. Fletorën s'ka mund me gjetë se e kam pas unë, janë kanë document, procedurë që e kam udhëhequr unë. Kështu që nuk jam kanë në punë. Karanfil, ti mundesh me dyshu.

Antigona Bytyqi: Egzona a pate diçka me shtu?

Egzona Hoxhaj: Po kryesuese unë e pata në fakt jo për çështjen e kësaj zyrtares por tk zyra e personelit për atë e-mail që na ka ardhur në 30.09, ku është thënë që për KPF nuk mujna me u rimbursu për shkak të mungesës së mjeteve. E keni krejt e-mail, unë i kam shkruar thjesht për kuriozitet për shkak që me anëtarë të tjerë të KPF-së të komunave të tjera, e kena pas muhabet që a janë rimbursu ata, dhe um kam treguar a janë rimbursu, unë i kam edhe bisedat ku ajo më ka thënë që ju në shtator nuk keni mbajtur KPF dhe nuk kam lista nuk kam listë të nënshkrimeve për qatë nuk jeni paguar. E-mail faktikisht është që s'ka mjete. A mundesh Blerim me ja dërgu një e-mail.

Antigona Bytyqi: Dëgjo, ne të gjitha mbledhjet që i kemi mbajtur, ja u kemi përcjellë edhe listat.

Florent Ukaj: Unë po besoj që ajo është e gushtit.

Antigona Bytyqi: Veç se kaluam kështu tjerat. Ta qesim në votim pikën e fundit, present jemi 7 anëtar, kush është për? Unanimisht, ju falënderoj shumë për pjesëmarrje.

Përfundoi në ora: 10:58 minuta.

**Kryesuesja e KPF**
Antigona Bytyqi